

第三二〇册

明倫彙編

官常典

政事部

九一六〇
(卷)

古今圖書集成

中華書局影印



古今圖書集成

中華書局影印

欽定古今圖書集成明倫彙編官常典

第七百九十一卷目錄
政事部各臣列傳二十一

宋八

王居卿

李彥

李彌大

盧知原

沈晦

薛徵言

唐文若

張孝祥

汪大猷

周宗

周執羔

王庶

莫濠

陳炯

韓肖胄

柳約

葛勝仲

衛膚敏

劉才邵

范成大

李植

蔡洸

吳芾

李紫

張運

官常典第七百九十一卷

政事部各臣列傳二十一

宋八

王居卿

按宋史本傳居卿字壽朋登州蓬萊人以進士至知齊州提舉夔路京東刑獄鹽鐵判官建言商賈轉百貨市壅上者聽以家貲抵於官爲給長券至賣所併輸征稅直公私便之出知揚州政京東轉運使青州河貫城中苦泛溢爲病居卿即城立飛梁上設樓櫓

下建門以時閉啓人誦其智徙河北路河決曹村居卿立軟橫二堤以遏怒流而不與水爭朝廷賞其功建以爲都水法名拜戶部副使提舉市易擢天章閣待制河北都轉運使知秦州太原府卒年六十二居卿俗吏特以言利至從官

陳炯

按宋史本傳杓字李壬温州平陽人以上舍貢辟雍政和二年廷對第三授文林郎冀州兵曹參軍累遷尙書虞部員外郎政和七年提點福建路刑獄福州調發防秋兵資糧不滿望殺帥臣變生倉卒吏民奔潰閩城震駭杓入亂兵中諭以禍福賊氣沮遂擒奏帥臣自斃杓詭從其請間道馳奏以前奏不實待罪朝廷以杓知變釋之叛兵既調行迺道追殺首惡二十餘人一方以安建炎四年五月復除福建路提刑尋以疾乞祠主管江州太平觀紹興三年召爲金部員外郎升郎中時言事者率毛舉細務略大利害杓抗言今當專講治道之本修政事以攘敵國不當以細故動聖慮如平時也又言刺史縣令滿天下不能皆得人乞選監司重其權久其任除太常少卿又陳攻守二策在於得人心修軍政五年除直龍圖閣知泉州明年改兩浙西路提刑乞置鄉縣三老以厚風俗凡官室車馬衣服器械定爲差等重侈靡之禁八年遷福建路轉運副使十年復召爲太常少卿適編類徵宗御書成詔藏數文閣杓以爲舊制自龍圖至徽欽皆設學士待制雜壓著令龍圖在朝請大夫之上至徽欽在承議郎之上每閣相去稍遠議者疑其不倫直數文閣者綴徽欽則與諸閣小異降之則班

列太卑欲參酌取中並爲一刻不必相遠庶幾各位有倫仰稱陛下嚴奉祖宗謨訓之意又言祭用太牢此祀典之常駐蹕之初未能備禮止用一羊乞檢會紹興六年詔旨復用太牢十一年除權禮部侍郎賜三品服普安郡王出閣奉詔與吏部太常寺討論典故杓等議以國本未立宜厚其禮以繫天下望乃以皇子出閣禮例上之或以爲太重詔以不詳具典故專任已意懷姦附麗與吏部尙書吳表臣禮部尙書蘇符郎官方雲翼丁仲寧太常屬王晉霖籍並罷尋以杓提舉江州太平觀十五年知襄陽府充京西南路安撫使襄漢兵火之餘民物凋瘵杓請於朝以今之戶數視承平時纔二十之一而賦須尚多乞重行蠲減明年金房兵叛杓遣將平之而後以開漢水決溢漂蕩廬舍躬率兵民捍禦隄岸賴以無虞以疾乞祠除祿閣修撰提舉江州太平興國宮二十四年改知廣州充廣南東路經略安撫使未至而卒年六十四杓寬洪溫藉以誠接物而恬於榮利當秦檜用事以未嘉爲寓里士之費緣攀附者無不厭登顯要杓以立靖之舊爲人主所知出入頓挫晚由奉常少卿擢權小宗伯復以議禮不阿忤意罷其節有足稱自號無相居士有文集十六卷子汝楫汝賢汝諸孫峴以詞學擢第官中書舍人直學士院

李彥

按宋史本傳彥字西美汴人登政和進士第調陳州教授入爲國子博士出知房州時旣權官茶復彊民輸舊額貧無所出被繫者數百人彥至即日盡釋之宜和三年廷議將取燕蓟間之曰百辟卿士一倡共

和國家安危其幾在是上疏切諫大略謂太祖以聖武得天下將士皆百戰之餘以是而取燕雲宜易爲力然趙普輩無放贊其決者蓋識天下大勢且重民命故也今承太平之業父老幸不識兵雖不得燕雲地何關於漢疏奏不省及燕既平責監英州清溪鎮明年赦還爲郎尋試中書舍人建言元祐名臣子孫久被廢錮宜少寬之宦官譚稹出師河北以無功廢將復進用瑒不肯書行會山東盜起州縣不能制至河北無見糧軍士洶洶瑒條奏十事忤大臣意罷紹興四年以集英殿修撰知吉州江西兵素剽悍瑒始視事有相挺爲亂者亟捕誅首謀者撫循其餘大布恩信境內遂安累遷徽猷閣直學士四川安撫制置使成都舊城多毀圯瑒至首命修築俟水大至民賴以安三江有堰可以下灌眉田百萬頃久廢弗修田萊以荒瑒率都刺史合力修復竟受其利眉人感之繪像祠於堰所間遭歲饑民徒發倉振活無慮百萬家治蜀之政多可紀有清溪集二十卷

韓肖胄

按宋史本傳肖胄字似夫祁州安陽人曾祖琦祖忠彥再世爲相父治肖胄以蔭補承務郎歷開封府司錄與府尹同對殿中徽宗問其家世賜同上舍出身除衛尉少卿賜三品服尋假給事中充賀遼國生辰使既還時治守相州請祠肖胄因乞補外侍疾詔除直祕閣知相州代其父任陞辭帝曰先帝詔韓氏世官于相卿父子相代榮事也在相四年王師傳燕肖胄策幽薊且有變宜陰爲守備已而金騎入境野無所掠而去建炎二年知江州入爲祠部郎遷左司嘗

言中原未復所恃長江之險淮南實爲屏蔽沃野千里近多荒廢若廣修農事則轉餉可省兵食可足自是置局建康行屯田於江淮又應詔陳五事曰遠斥埃戍戍兵防海道援中原修軍政擢工部侍郎時川陝馬綱路通塞不常肖胄請於廣西巴州置司互市諸蕃馬詔行之時召侍從問戰守計肖胄條奏千餘言帝稱其所對事理簡當吏部尚書席益歎曰援古証今切於特用非世官不能也紹興二年詔百官各言省費裕國強兵息民之策肖胄言天下財賦聚名舊悉隸三司今戶部惟有上供之目而已間諸路聚名於戶部戶部不能悉問諸州聚名於漕司漕司不能悉失一窠名則此項遂亡願詔諸路漕司括州縣出納可罷罷之可併併之立爲定籍漕司總諸州戶部總諸路則無失陷矣經費之大莫過養兵今人亡而冒請者衆願立諸軍覆實之法重將帥冒請之罪則兵數得實餉給不虛省費裕國此其大者生民常賦之外迫以軍期更緣爲姦斂取百端復爲寇所迫逐田桑失時寇去復業未及息肩催科之吏已呼其門矣願詔郡邑招集流散官貸之種俟及三年始責其賦置籍書之以課殿最強兵息民此其先者時多所采納又請復天地日月星辰社稷之祀於是下有司定一歲祭禮遷吏部侍郎時條例散失吏因爲姦肖胄立重賞俾各省記編爲條目以次行之舞文之弊始革陣亡補官得占射差遣而在部常關人守待不能注授且有短使重難肖胄請陣亡惟許本家用恩例異姓候選任收使遂無不均且嚴六部出入之禁而請託不行三年拜端明殿學士同食書樞密院

事充通問使以胡松年副之肖胄慨然受命時金酋粘罕專執政方恃兵強持和戰離合之策行人皆危之肖胄入奏曰大臣各徇己見致和戰未有定論然和乃權時之宜他日國家安強軍聲大振嘗雪此讎恥今臣等行或半年不返命必復有謀宜速進兵不可因臣等在彼而緩之也將行母又語之曰汝家世受國恩當受命即行勿以我老爲念帝稱爲賢母封榮國夫人肖胄至金國金人知其家世甚重之往返纔半年自帝即位使者凡六七年未嘗報聘至是始遣人偕來肖胄先北使入對與朱勝非議不合力求去以舊職知温州提舉臨安府洞霄宮五年詔問前宰執戰守方略肖胄言女真等軍皆畏服西兵動銳喜戰今三帥所統多西人吳玠璣有捷奏軍聲益振敵意必搖攻戰之利臣固知之自荆襄至江淮綿亙數千里不若擇文武臣僚按行計度求險阻之地屯兵積糧則形勢相接今淮東西雖命宣撫使然將屯置司乃在江上所遣偏裨分守不遇資以輕兵勢孤力弱難以責其固志當移二將於江北使藩籬可固又言諸大將之兵自主庭戶更相嫌疾若欲並遣進攻宜先命總帥分以精銳自成一軍號令既一則諸將嚆矢不聽命彘句山東關河之民怨金人入骨當以安集流亡私懷歸附爲先今淮南江東西荒田至多若招境上之人授田給糧捐其賦稅必將接跡而至又奏江之南岸曠土甚多沿江大將各分地而屯軍士舊爲農者十之五六擇其甚精銳者使之力耕農隙則試所習之技藝秋成則均以所種之禾麥或募江北流徙及江南無業願遷之人分給之芻

爲營屯止則固守出則攻討起知常州召赴行在提學萬壽觀尊除食書樞密院事和議已定復命肖肖爲報謝使接件者逆於境謂當稱謝恩使肖肖論難三四反遂語塞既至金遣人就館議事肖肖隨問隨答衆皆聳聽其還給駝車及頓遞宴設自肖肖始除資政殿學士知紹興府尋奉祠與其弟膺寓居於越幾十年事母以孝聞弟不至不食所得恩澤皆先給宗族卒年七十六諡元穆琦守相作書錦堂治作榮歸堂肖肖又作榮事堂三世守鄉郡人以爲榮

李彌大

按宋史李彌遜傳彌遜弟彌大字似矩登崇寧三年進士第以大臣薦召對除校書郎遷監察御史假太常少卿充契丹賀正且使時傳聞燕民欲歸漢徵宗遣彌大覘之使還奏所聞有二或謂彼主淫刑滅親種類畔離女真侵迫國勢危殆始爲可取或謂下詔罪已擢用耆舊招放盜賊國尚有人未可取莫若聽其自相攻併遷起居郎試中書舍人同修國史童貫宣撫宋與走馬承受白錡恃實不報師期朝廷止從薄責彌大繳奏以爲邊報不至非朝廷福錡坐除名彌大亦出知光州移知鄂州召爲給事中兼校正御前文籍詳定官拜禮部侍郎金人大舉入侵李綱定城守之策命彌大爲參議與綱不合罷未幾除刑部尚書初朝廷許割三鎮界金人既而遣師道師中援河北姚古援河東彌大上疏乞起河東西境麟府諸郡及陝西兵以濟古之師起河東路及京東近郡兵以濟師道師中之師爲腹背攻劫之圖遂除彌大河東宣撫副使張師正領勝捷軍敗於河東潰歸彌大

誅之復遣餘卒援真定餘卒叛宣撫罷命彌大知陝州河東破小將李彥先來謁言軍事彌大壯之畱爲將成暗通間以過敵詔遣使召援彌大未敢進會永興帥范致虛亂兵動王檄彌大充諸道計議行至方城道阻乃率衆赴大元帥府建炎元年除知淮寧府到郡未幾杜用等夜叛彌大絕城出賊散乃還坐貶秩尋詔爲吏部侍郎帝如杭州命權紹興府試戶部尚書兼侍讀呂頤浩視師以彌大爲參謀官彌大奏王導謝安爲都督未嘗離朝廷今邊圉幸無他頤浩不宜輕動又言已爲天子從官非宰相可辟乞於諸軍悉置軍正如漢朝故事以察官郎官爲之陛下必欲畱臣當別爲一司伺察頤浩過失忤旨出知平江府中丞沈與求劾彌大謀間君臣妄自尊大奪職歸知靜江府奏廣西邊防利害入爲工部尚書未幾罷去廣西提刑韓瑄劾其在靜江日斷強盜死罪引絞入斬貶兩秩紹興十年卒年六十一

柳約

按宋史本傳約字元禮秀州華亭人大觀三年上舍進士試中學官爲霸州教授徙睦州入爲辟雍正選博士改直學郎充廣親宅宗子博士約深於經學屬辭粹微大爲學者師恭提舉福建鹽事名對論內外學正次乞罷內外官列堂曰投牒求官以厚風俗授祕書省校書郎進著作佐郎徽州司錄改通判宿州召拜監察御史靖康初兼權殿中侍御史論三鎮不可棄改尚書工部員外進左司員外郎父憂去官服除以直顯謨閣充御營司參謀官遷太常少卿高宗將幸平江約疏言兵可進毋退以示怯於敵乃以直

龍圖閣知台州未赴徙嚴州兼浙西兵馬都監節制管內軍馬當是時金人大入杜充擁衆北去列郡震恐莫有奔問官守者約於橫濱中屹係孤城悉力捍禦境內按堵則慨然上書請糾合諸郡克復吳會上嘉其忠進右文殿修撰守郡如故詔以軍興費出無藝吏慢弗度柳約獨謹賦輸率先程督進秩一等又詔約郡當兵衝而能不辭難不避事益嚴列柵保綏一方朕甚嘉之其以約充集英殿修撰召入對獎勞再三擢權戶部侍郎約於是感激盡言凡例外宣索皆執奏不進論吳開等罪未正非所以厲臣節諸大將提兵入觀各名其家將有尾大不掉之患皆人不取言者又言軍興科需百出望官戶名田過制者與編戶均一科數請增諸路酒錢其半令提刑司椿管以備軍費皆從之會高麗請修貢議遣使報聘上顧廷臣無出約右加試戶部侍郎充其選且將大用當路忌之諷言者誣以事罷爲提舉太平觀居七年復祕閣修撰金人歸侵疆起知蔡州被命而往一無顧避既而金人渝平傳檄河南守臣皆舉城降約獨遣使數輩於武昌得報而後返未幾以敷文閣待制食祠祿十有五年卒贈四官約天性至孝母病甚延禱於天願損壽以益親壽母尋愈約竟先母兩月卒

盧知原

按宋史本傳知原字行之湖州德清人以父任知歙縣因近臣薦赴都堂審察累遷梓州路轉運副使時承平既久戎備皆弛知原招補兵籍築城互二十餘里王黼當國費出無藝知原因疏言之黼怒罷去久之起提點京東刑獄改江西轉運副使過闕入奏徹

宗勉之曰卿在蜀道功效甚休遂賜三品服先是綱運阻於重江吏卒並緣爲姦知原悉意經理故先諸道上京師進一官尋除直祕閣爲江淮荆浙等路發運使升祕閣修撰提舉河北以言者劾職歸吏部

葛勝仲

之憂患卒於軍始法原爲川陝宣撫使上從容謂知原曰朕方以川陝付法原蓋兄弟皆以才見稱於世故並用之也

高宗卽位復舊圖開知溫州時葉濃陷建州揚勅陷處州知原繕甲兵增城浚隍聲勢隱然帝幸知原緜海道轉粟及金綰十餘萬至台州召見稱獎擢右文殿修撰管內安撫使在郡四年民繪像祠之王師討范汝爲召爲添差兩浙轉運使罷提舉太平觀都督孟庾辟爲參謀改徵飲閣待制知臨安府諫官唐輝言知原爲政乖謬詔復爲都督府參謀官章再上遂以舊職奉祠紹興十一年十月卒弟法原字立之自知雍丘縣積官太府少卿賜同上舍出身使遼還遷司農卿賜三品服爲吏部尚書以官秩次第履歷總爲一書功過殿最開卷瞭然吏不能欺坐王黼累罷爲顯謨閣待制紹興元年提舉臨安洞霄宮張浚承制起知夔州尋爲龍圖閣學士川陝等路宣撫處置副使進端明殿學士川陝宣撫副使金人攻關輔叛將史斌陷興州諸郡多應者法原命諸將堅壁言戰者斬衆以爲怯未幾河東經制使王燧以乏食班師法原開關納之與燧同破斌復興州方巨盜充斥秦龍叛兵欲窺蜀法原極意拊循嚴爲備禦傳檄諸路人心稍安視山川險阻分地置將自洮岷至階城關師古主之屯通川文龍至威茂劉錡主之屯巴西前後屢捷上所倍重會兀朮攻關爲吳玠所敗法原素與玠不睦玠因奏功訟法原不濟師不餽糧不銓錄立功將士帝手詔詰問法原自辯其力上頗不直

按宋史本傳勝仲字魯卿丹陽人登紹聖四年進士第調杭州司理參軍林希薦試學官及詞科俱第一除兗州教授入爲太學正上幸學多獻頌者勝仲獨獻賦上命中書第其優劣勝仲爲首差提舉議曆所檢討官兼宗正丞始朝廷以從臣提舉議曆所至是代以郭天信勝仲力請罷之稍遷禮部員外郎會御史中丞石公弼言信祖原廟增置殿至逮元豐之舊詔禮官議勝仲建言予而復奪在常人猶難之況在天之靈乎議者非之貴知欽州休寧縣復召爲禮部員外郎權國子司業時朝廷命諸生習雅樂樂成進一官遷太常卿宋自建隆至治平所行典禮歐陽修嘗哀集爲書凡百篇號太常因草禮詔勝仲續之增爲三百卷詔藏太常及建春官以勝仲兼論德勝仲爲仁孝學三論獻之太子復採春秋戰國以來歷代太子善惡成敗之迹日進數事詔嘉之徙太常少卿除國子祭酒尋知汝州李彥括田破產者衆勝仲請獨不當括者彥怒劾勝仲上寢其奏改湖州尋徙鄧州朱勔先求白雀之屬勝仲不與至是媒孽其短罷歸建炎中范宗尹爲相凡前日以朋附被罪遠貶者咸赦還復知湖州時羣盜縱橫聲搖諸郡勝仲修城郭作戰艦閱士卒賊知有備引去歲大饑發官廩振之民賴以濟紹興元年丐祠歸十四年卒年七十三謚文康子立方官至待從孫鄒爲右相自有傳

沈晦

按宋史本傳晦字元用錢塘人翰林學士沈遘孫宣和間進士廷對第一除校書郎遷著作佐郎金人攻汴京借給事中從蕭王樞出質幹離不軍金人再攻也與之俱南京城陷邦昌僞立請金人歸馮澥等晦因得還真爲給事中高宗卽位言者論晦雖使金艱苦而封駁之職不可以賞勞除集英殿修撰知信州帝如揚州將召爲中書舍人侍御史張守論晦爲布衣時事帝曰頃在金營見其慷慨士人細行豈足爲終身累耶不果召知明州移處州帝如會稽移守婺州賊成舉入寇晦用教授孫邦策率民兵數百出城與戰大敗晦欲斬邦策已而釋之時浙東防遏使傅崧卿在城中單騎往說舉舉遂降進徽猷閣待制以言者論晦安用便宜指揮行事降集英殿修撰提舉臨安府洞霄宮尋復徽猷閣待制知宣州移知建康府甫踰月以御史常同論罷紹興四年起知鎮江府兩浙西路安撫使過行在面對言藩帥之兵可用今沿江千餘里若令鎮江建康太平池鄂五郡各有兵一二萬以本郡財賦易官田給之敵至五郡以舟師守江步兵守陸彼難自渡假使能渡五郡合擊敵雖善戰不能一日破諸城也若圍五郡則兵分勢弱或以偏師綴我大軍南侵則五郡尾而邀之敵安敢遠去此制稍定三年後移江北糧餉器械悉自隨又自乞分兵二千及名募敢戰士三千參用昭義步兵法期年後京口便成疆藩時方以韓世忠屯軍鎮江不果用劉麟入寇世忠拒於揚州晦乞促張俊兵爲世忠援趙鼎稱晦議論激昂帝曰晦誠可嘉然朕知其

人言甚壯膽志頗怯更觀臨事能副所言與否然晦不爲世忠所樂尋提舉臨安府洞霄宮起爲廣西經略兼知靜江府先是南州蠻酋莫公晟歸朝歲久用爲本路鈐轄羈縻之後遁去旁結諸峒蠻歲出爲邊患晦選諸將羅統戎邊招誘諸酋喻以威信皆詣府請降晦情遣之結誓而去自是公晟孤立不復犯邊晦在郡歲買馬三千匹繼者皆不能及進徹飲閩直學士召赴行在除知衢州改潭州提舉太平興國宮卒晦贈氣過人不能盡循法度貪時尤甚故累致人言然其當官才具亦不可掩云

衛肅敏

按宋史本傳肅敏字商彥華亭人以上舍生登宣和元年進士第授文林郎南京國子博士尋改教授六年召對改宣教郎祿書省校書郎命假給事中賀金主生辰肅敏奏曰彼生辰後天事節五日金人未聞入賀而反先之以失國體萬一金使不來爲朝廷羞請至燕山候之彼若不來則以幣置境上而已帝可其奏既至燕金賀使果不至遂置幣而返七年復假給事中以行及慶源府逢許亢宗還語金國事曰彼且大入其勢不可往肅敏至燕報愈急衆懼不敢進肅敏叱曰吾將君命以行其可止乎既至金國知其兵已舉殊不爲屈及將還金人所答國書欲以押字代璽肅敏力爭曰押字豈所以交鄰國論難往復卒易以璽及受書欲令雙腕肅敏曰雙腕乃北朝禮安可令南朝人行之哉爭辯踰時卒單腕以受金人積不說中道羈留且半年至涿州新城與幹離不遇遣人約相見拒之不可遂語之曰必欲相見其禮當如

何曰有側肅敏笑曰側謂趨伏羅拜此禮焉可用北朝止一君耳皇子郎君雖貴人臣也一介之使雖賤亦人臣也兩國之臣相見而用君臣之禮是北朝一國有二君也金人氣折始曰唯所欲肅敏長揖而入既坐金人出誓書示之肅敏却不視曰遠使久不聞朝廷事此書真偽不可知因論用兵事又以語折之幾復爲所留靖康初始還進三官遷吏部員外郎會高麗遣使來賀命假太常少卿往接之朝論欲改稱宣問使肅敏曰國家厚遇高麗久矣今邊事方作不可遽削其禮失遠人心願姑仍舊乃復稱接伴使既至明州會京師多難乃便宜稱詔厚賜使者遣還建炎元年復命自劾燭制之罪高宗嘉其還衛尉少卿建議兩河諸郡宜降蠟書許以世襲使各堅守陝西山東淮南諸路並令增陴浚隍徙民入城爲清野計命大臣留守汴京軍獨早幸江寧帝頗納之遷起居舍人言前日金人憑陵都邑失守朝臣欲存趙氏者不過一二人而已其他皆屈節受辱不以爲恥甚者爲敵人斂金帛累妃嬪無所不至求其能詐楚如紀信者無有也及金人僞立叛臣僭稱位號在廷之臣逃避不從及約寇還歸位趙氏者不過一二人而已其他皆委質求榮不以爲愧甚者爲叛臣稱功德說符命主推戴之議草勸進之文無所不爲求其擊朱泚如投秀實者無有也今陛下踐祚之初苟無典刑何以立國凡前日屈節敵人委質僞命者宜差第其罪大則族次則誅又其次竄殛下則斥之遠方終身不齒豈可猶畀祠祿使塵班列哉又言今二帝北還寶宇痛心願陛下愈自貶損不忘報雪卑宮室非飲

食惡衣服減煢御斥聲樂以至歲時上壽春秋錫宴一切罷之雖饗郊廟亦不用樂必俟兩宮還闕然後復常庶幾精誠昭格天地感動人心拜右諫議大夫兼侍讀言行在頗與土木之役非所以示四方乞罷樂承慶院昇陽宮又奏凡黜陟自中出者皆由三省乃得奉行或戾祖宗成憲者皆許執奏時內侍李志道以赦恩復保慶軍承宣使添差入內都知肅敏極論罷之初欽宗內侍昭慶軍承宣使容機圍城中時乞致仕高宗即位命起之肅敏言自古帝王未有求闕寺於閑退而用者遂寢后父邢煥除徽猷閣待制太后兄子孟忠厚顯謨閣直學士肅敏言非祖宗法煥尋換武職忠厚自若俄還肅敏中書舍人肅敏懇奏曰昔司馬光論張方平不當參知政事自御史中丞還翰林學士光言以臣爲是則方平當罷以臣爲非則臣當貶今兩無所問而遷臣臣所未論臣雖不肖願附於司馬光又言事母后莫若孝待戚屬莫若恩勸臣下莫若賞今陛下順太母以非法非所謂孝處忠厚以非分非所謂恩不用臣言而遷其官非所謂賞一舉而三失矣帝命宰相諭肅敏曰朝廷以次遷官非因論事也肅敏猶不拜居家逾月及忠厚改承宣使詔后族勿除從官肅敏始拜命又言中書根本之地舍人所掌不特演綸而已凡命令不合公議者率封還之會肅敏知貢舉有進士向烈對省試策謬稱臣諫官李處遜乞正考官鹵莽之罪以集英殿修撰提舉洞霄宮或謂肅敏在後省論事爲黃潛善汪伯彥所惡故因事斥之三年春召赴行在時帝次平江肅敏入見言及時事泣下帝亦泣曰卿今宜知

無不言有請不以時對肅敏謝曰臣頃嘗三爲陛下言揚州非駐蹕之地乞早幸江寧今錢塘亦非帝王之都宜須事定亟還金陵因陳所以守長江之策帝善其言翌日再對歸得疾然瘡力疾扈蹕至臨安俄除刑部侍郎未拜謁告歸華亭就醫許之還禮部侍郎初肅敏久疾臥舟中不能朝時苗劉之變帝未反正宰相朱勝非言於隆祐太后以肅敏稱疾坐觀成敗無人臣節及卒始明其非僞云年四十九特贈大中大夫子仲英仲傑仲循

薛徵言

按宋史本傳徵言字德老溫州人登進士第爲樞密院計議官紹興二年遣使分行諸路徵言在選中以權監察御史宣諭湖南時郴道桂陽旱饑徵言請於朝不待報卽論漕臣發衡永米以賑而以經制銀市米償之所刺舉二十人使還他使皆進擢宰相呂頤浩以徵言擅易守臣而移用經制銀出知興國軍入爲郎遷右司擢起居舍人時秦檜與金人議和徵言與吏部侍郎晏敦復等七人同拜疏爭之一日檜於上前論和徵言直前引義固爭反復數刻中寒疾而卒高宗念之轉相百匹特與遺表恩

劉才邵

按宋史本傳才邵字美中吉州廬陵人其上世鴉太宗召見未及用而卒嘗憤五季文辭卑弱做楊雄法言著法語八十一篇行於世才邵以大觀二年上舍釋褐爲贛汝二州教授復爲湖北提舉學事管幹文字宣和二年中宏詞科遷司農寺丞靖康元年遷校書郎高宗卽位以親老歸侍居間十年御史中丞廖

剛薦之召見遷祕書丞歷駕部員外郎遷吏部員外郎典侍右選事先是宗室注官觀岳廟例須赴部選者或難於行才邵言許經所屬以開於部依條注擬行之而便還軍器監既而遷起居舍人未幾爲中書舍人兼權直學士院帝稱其能文時宰忌之出知漳州卽城東開渠十有四爲陂與斗門以灌匯決溉田數千畝民甚德之兩奉祠紹興二十五年召拜工部侍郎兼直學士院尋權吏部尚書以疾請祠加顯謨閣直學士卒贈通奉大夫才邵氣和貌恭方權臣用事之時雍容選避以保名節所著樹溪居士集行世

唐文若

按宋史本傳文若字立夫眉山人父庚在文苑傳文若少英邁不羣爲文豪健登進士第分教潼川府給事中勾濤薦自代詔赴行在所既至而勾濤出不得見文若奏書闕下略曰昔漢高慢士四結去之而西鄙少廉恥之人光武禮賢嚴光友之而東都多節義之士陛下屈萬乘之尊駐蹕東南兩宮將歸五路初復正宜市朽骨式悉蛙以來索傑與之共治寧遽惜此數刻之對耶書奏翌日召對便殿高宗大悅特旨改令入官通判洋州洋西鄉縣產茶互變谷八百餘里山窮險賦不盡括使者韓球將增賦以市寵園戶避苛斂轉徙饑饉相藉文若力爭之賦迄不增再通判遂寧府會大水民多漂死文若至城上發庫錢募游者振活甚衆又力請於朝除田租二萬一千頃免場務稅二十餘所築長堤以捍水勢自是無水患秦檜死上訪蜀士於魏良臣以文若對二十六年以光祿丞召改祕書郎爲文思箴以獻其略曰於赫我皇

兵旣休矣兵休如何莫若治兵居安思危邦乃攸寧爰整其旅文王以興載舞干羽舜仁用成向戌弭兵春秋所懲蕭詠去兵禍亂乃萌師則多矣軍則彊矣縱弛不繩猶曰無人兵非以殘以兵休兵凡千五百餘言自檜主和朝論諱言兵故文若以此風焉遷起居郎勸上收用西北人材以固根本上深納之將命以掌制時有爲宣和執政請恩爲司諫凌哲所彈文若喜其直作禾黍詩以美之侍御史周方崇以爲議已劾文若狂誕出知邵州上屢爲近臣言唐文若無罪可改近郡知饒州興學宮減田租奇耗二萬石又請歲糴常平義倉之儲什三與民平市農未俱利而粟不腐遂以著令餘干書有劇盜巡尉不能制文若遣牙兵捕而戮之加直敷文閣移知溫州三十一年召爲宗正少卿金人犯邊文若求對首建大臣節制江上之議上諭大臣以文若與虞允文杜莘老馬驥才皆可用復除起居郎時諸將北出捷書日聞上下有徂志獨文若憂之圖上元嘉北伐故事上諭文若以創業所歷艱苦及敵情反覆甚悉文若對曰願陛下深察大勢趨策之長而避其短無循前代軌轍則大善未幾諸軍退守金主自將圍大將王權於歷陽權遁淮南盡沒詔百官廷議文若畫三策一請上親征二乞遣大臣勞軍三乞起張浚工部侍郎許尹是其言衆遂列奏上之不報文若尋面對上問曰今計安出卿熟張浚否文若曰浚守道篤學天下屬望今四十年天不死浚憤海正爲今日上憂然曰援浚者多非卿無以發此數日遺楊存中護江上軍親征之期起浚知平江府蓋上以浚離忠懇喜功將士多

不附文若復言浚本以孤忠得衆尋改浚鎮建康府將以爲江淮宣撫使中沮之而止乘興幸江表以起居郎兼給事中直學士院同羣司居守駕還遷中書舍人上將內禪前數日手詔追崇皇太子所生父文若既書黃因過周必大誦聖德而疑名稱未安歸白宰相請更黃堂吏不可文若執不已宰相以聞詔改稱本生親尋又改宗室子偁其後詔稱皇兄孝嗣位張浚以右府都督江淮軍事文若時以疾請外除數文閣待制知漢州尋改都督府參贊軍事浚使行邊按守備多所罷行者未還除知鼎州改江州明年浚入相都督府罷其冬金復大入官軍悉戍淮文若謂上流當嚴兵備以定民志奏籍鄉丁五萬訓練有法人倚以固解嚴和羅大起郡之數八萬文若以民勞堅請得減什三旋請祠章三上未報乾道元年卒年六十贈左通奉大夫

范成大

按宋史本傳成大字致能吳郡人紹興二十四年擢進士第授戶曹監和劑局隆興元年遷正字累遷著作佐郎除吏部郎官言者論其超躋罷奉祠起知處州陞對論力之所及者三曰日力曰國力曰天力今盡以虛文耗之上嘉納處民以爭役爲訟成大爲勸義役隨家貧富輸金買田助當役者甲乙輪第至二十年民便之其後入奏言及此詔頒其法於諸路處多山田梁天監中詹南二司馬作通濟堰在松陽遂昌之間激溪水四十里溉田二十萬畝堰歲久壞成大訪故迹壘石築防置隄闊四十九所立木則上中下溉灌有序民食其利除禮部員外郎兼崇政殿說

書乾道令以絹計賦估價輕而論罪重成大奏承平時絹匹不及千錢而估價過倍紹興初年遞增五分爲錢三千足今絹實貴當倍時直上驚曰是陷民深文遂增爲四千而刑輕矣隆興再講和失定受書之禮上常悔之遷成大起居郎假資政殿大學士充金祈請國信使國書專求陵寢蓋泛使也上面諭受書事成大乞併載書中不從金廷使者慕成大名至求巾幘効之至燕山密草奏具言受書式懷之入初進國書詞氣慷慨金君臣方傾聽成大忽奏曰兩朝既爲叔姪而受書禮未稱臣有疏指笏出之金主大駭曰此豈獻書處耶左右以笏標起之成大屹不動必欲書達既而歸館所金主遣使宣旨取奏成大之未起也金庭紛然太子欲殺成大越王止之竟得全節而歸除中書舍人初上書崔寔政論賜輔臣成大奏曰御書政論意在飭綱紀振積敝而近日大理議刑遞加一等此非以嚴致平乃酷也上稱爲知言張說除簽書樞密院事成大當制置詞頭七日不下又上疏言之說命竟寢知靜江府廣西竄匿專藉鹽利漕臣盡取之於是屬邑有增價抑配之敝詔復行鈔鹽漕司拘鈔錢均給所部而錢不時至成大入境曰利害有大於此乎奏疏謂能裁抑漕司強取之數以寬郡縣則科抑可禁上從之數年廣州鹽商上書乞復令客販宰相可其說成大出銀錢助之人多以爲非下有司議卒不易成大說舊法馬以四尺三寸爲限詔加至四寸以上成大謂互市四十年不宜驟改除數文閣待制四川制置使疏言吐蕃青羌兩犯黎州而奴兒結蕃列等尤桀黠輕視中國臣當教閱將

兵外修堡砦仍講明教閱團結之法使人自爲戰三者非財不可上賜度牒錢四十萬緡成大謂西南諸邊黎爲要地增戰兵五千奏置都監路分吐蕃入寇之路十有八悉築柵分成奴兒結擾安靜砦發飛山軍千人赴之料其三日必遁已而果然白水砦將王文才私聚蠻女常導之寇邊成大重賞檄羣蠻使相疑貳俄貪文才以獻即斬之蜀北邊舊有義士三萬本民兵也監司郡守雜役之都統司又俾與大軍更成成大力具其不可詔遵舊法蜀知名士孫松壽年六十餘樊漢廣甫五十九皆掛冠不仕表其節詔召之皆不起蜀士由是歸心凡人才可用者悉致幕下用所長不拘小節其傑然者露章薦之往往顯於朝位至二府召對除權吏部尚書拜參知政事兩月爲言者所論奉祠起知明州奏罷海物之獻除端明殿學士尋帥金陵會歲旱奏移軍儲米二十萬振饑民減租米五萬水賊徐五竊發號靜江大將軍捕而戮之以病請開進資政殿學士再領洞霄宮紹興三年加大學士四年薨成大素有文名尤工於詩上嘗命陳俊卿擇文士掌內制俊卿以成大及張震對自號石湖有石湖集攬轡錄桂海虞衡集行於世

張孝祥

按宋史本傳孝祥字安國歷陽烏江人讀書一過目不忘下筆頃刻數千言年十六領鄉書再舉冠里選紹興二十四年廷試第一時策問師友淵源泰與與曹冠皆力攻程氏專門之學孝祥獨不攻考官已定填冠多士孝祥次之曹冠又次之高宗讀填策皆泰檜語於是擢孝祥第一而填第三授承事郎簽書鎮

東軍節度判官諭宰相曰張孝祥詞翰俱美先是上之抑損而擢孝祥也秦檜已怒既知孝祥乃祁之子祁與胡寅厚檜素憾寅且唱第後曹泳揖孝祥於殿庭以請婚爲言孝祥不答泳憾之於是風言者誣祁有反謀繫詔獄會檜死上郊祀之二日魏良臣密奏散獄釋罪遂以孝祥爲祕書省正字故事殿試第一人大舉始召孝祥第甫一年得召由此初對百言乞總攬權綱以盡更化之美又言官吏忤故相意並緣文致有司觀望鍛鍊而成罪乞令有司即改正又言王安石作日錄一時政事美則歸己故相信任之事非特安石臣懼其作時政記亦如安石專用己意乞取已修日曆詳審是正黜私說以垂無窮從之遷校書郎芝生太廟孝祥獻文曰原芝以大本未立爲言且言芝在仁宗英宗之室天意可見乞早定大計遷尚書禮部員外郎尋爲起居舍人權中書舍人初孝祥登第出湯思退之門思退爲相擢孝祥甚峻而思退素不喜汪澈孝祥與澈同爲館職澈老成重厚而孝祥年少氣銳往往陵拂之至是澈爲御史中丞首劾孝祥奏不在盧杞下孝祥遂罷提舉江州太平興國宮於是湯思退之客稍稍被逐尋除知撫州年未三十蒞事精確老於州縣者所不及孝宗即位復集英殿修撰知平江府事繁劇孝祥剖決庭無滯訟屬邑大姓並海囊囊爲姦利孝祥捕治籍其家得穀粟數萬明年吳中大饑迄賴以濟張浚自蜀還朝薦孝祥召赴行在孝祥既素爲湯思退所知及受浚薦思退不說孝祥入對乃陳二相同心戮力以副陛下恢復之志且靖康以來惟和戰兩言遺無窮禍要先

立自治之策以應之復言用才之路太狹乞博采度外之士以備緩急之上嘉之除中書舍人尋除直學士院兼都督府參贊軍事俄兼領建康留守言者改除敷文閣待制留守如舊會金再北邊孝祥陳金之勢不過欲要盟宣諭使効孝祥落職罷復集賢殿修撰知靜江府廣南西路經略安撫使治有聲績復以言者罷俄起知潭州爲政簡易時以威濟之湖南遂以無事復待制徙知荆南湖北路安撫使築守金隄自是荆州無水患置萬盈倉以儲諸漕之運請祠進顯謨閣直學士致仕以疾卒年三十八孝宗惜之有有才不盡之歎孝祥後逸文章過人尤工翰墨嘗親書奏劄高宗見之曰必將名世但渡江初大議惟和戰張浚主復讎湯思退祖秦檜之說力主和孝祥出入二人之門而兩持其說議者惜之

李植

按宋史本傳植字元直泗州臨淮人幼明敏爲學南舉於鄉從父中行客蘇軾門太史晁無咎見之曰此國士也以女妻焉靖康初高宗以康王開大元帥府湖南向子諲轉運京畿時晁盜四起餉道絕環視左右無足遣者有以植薦遂借補迪功郎使督四百艘總押犒師銀百萬糧百萬石招募忠義二萬餘衆自淮入徐趨濟凡十餘戰卒以計達時高宗駐師鉅野聞東南一布衣統衆而至士氣十倍首加勞問植占對詳敏高宗大悅親賜之食曰得一士如獲拱壁豈特軍餉而已承制授承直郎留之幕府植三上表勸進願蚤正大實以定人心以應天意三降手札獎諭植感激知遇言無不盡爲汪伯彥黃潛善所忌高

宗既即位爲東南發運司幹辦公事尋以奉議郎知潭州湘陰縣經楊么蕩析植披荆棘立縣治發粟賑困乏專以撫摩爲急丞相張浚督師江上知植才薦爲朝奉郎鄂州通判大盜馬友孔彥舟未平植請修戰艦習水戰分軍馬爲左右翼大破彥舟伏兵誅馬友二盜平浚以破賊功上於朝轉朝奉大夫通判荆南府秩滿除尚書戶部員外郎時秦檜當國凡帥府舊僚率皆屏黜浚亦去國植即丐祠奉親寓居長沙之醴陵十有九年杜門不仕檜死子誣以戶部尚書居邇列語及龍飛舊事議植姓名除戶部郎中召植始入見帝曰朕故人也方有意大用以母老每辭願便養除知桂陽軍丁母憂歸葬哀毀廬墓有白鷺朱草之祥劉鎮遺之書曰忠臣孝子元直兼之矣服闋參政錢端禮薦差知瓊州陞辭帝慨然曰卿老矣瓊管遠在海外改知徽州徽俗崇尚淫祠植首以息邪說正人心爲事民俗爲變轉朝請大夫直祕閣改知鎮江府還江淮荆湘都大提點坑冶鑄錢公事踰年金人敗盟朝廷將大舉以植漕運有才略授直敷文閣京西北路計度轉運使植措置畫有方廷議倚重乾道元年遷提刑江西二年直寶文閣江南東路轉運使兼知建康軍府兼本路安撫使主管行宮留守司事植上書極言防江十策其略曰保荆襄之障以固本根審中軍所處以俟大舉蒐選強壯以重軍勢度地險阨以保居民避敵所長擊其所短金人降者宜加賞勸皆直指事宜不爲浮泛疏上帝嘉其言以太府卿召赴闕有疾不克上道遂以中奉大夫寶文閣學士致仕還湘時胡安國父子家南嶽下劉錡

家湘潭相與往還講論言及國事必憂形於色始終以和議爲恨年七十有六卒有文集十卷題曰臨淮集廬陵胡銓爲之序諡忠襄子五人汝康知桃源縣汝士朝奉大夫知黃州汝工知昌化軍

汪大猷

按宋史本傳大猷字仲嘉慶元府鄆縣人紹興七年以父恩補官授衢州江山縣尉曉暢吏事登十五年進士第授婺州金華縣丞爭財者論以長幼之禮悅服而退李椿年行經界法約束嚴甚檄大猷覆視龍遊縣大猷請不實者得自陳毋遽加罪改建德遷知崑山縣丁父憂免喪差總領淮西江東錢糧幹官改幹辦行在諸司糧料院參知政事錢端禮宣諭淮東辟幹辦公事充參議官遷大宗丞兼吏部郎官又兼戶部右曹入對言總覈名實責任臣下因才而任母違所長量能授官毋拘流品孝宗顧謂左右曰疏通詳雅而善議論有用之才也除禮部員外郎丞相洪适薦兼吏部侍郎仍遷主管左選莊文太子初建東官兼太子左諭德侍講兩日一講五千多寓規戒太子嘗出龍大淵禁中所進侍燕章諭官僚同賦大猷曰鄭衛之音近習爲倡非講讀官所當預白於太子而止遷祕書少監修五禮會要金人來賀假吏部尙書爲接伴使尋兼權刑部侍郎又兼崇政殿說書又兼給事中孝宗清燕每訪政事嘗曰朕每厭宦官女子之言思與卿等款語欲知朝政闕失民情利病苟有所聞可極論之大猷遂陳耆耋直隸總經制司並緣法意使里正兼催科之役屬民爲甚又論亭戶未嘗煮鹽居近場監貸錢射利隱寄田產害及編

氓宜取一等以上充役又論賜田動戚豪奪相先陵轅州縣惟當賜金使自求之又論沒入貨產止可行於強盜賊更至於倉庫綱運之負陷者惟當即其業收租以償既足則給還使復故業轉對言捕酒之害及居官者不得鑄銅爲器上嘉獎曰卿前後所言皆今日可行之事權刑部侍郎升侍講言有司卒用新制奏舊法輕重外牾無所遵承使舞文之吏時出以售其姦請明詔編羈書成上進上大悅尙書周執羔韓元吉樞密劉珙以彊盜率不處死無所懲艾右司林栗謂太祖朝彊盜賊滿三貫死無首從不問殺傷景祐增五貫固從寬今設六項法非手刃人例奏裁監配何所懲艾請從舊法賊滿三貫者斬大猷曰此吾職也遂上奏曰彊盜焉可恕用舊法而痛懲之固可也天聖以來益用中典喪失禁姦之意今所議六項法犯者以法行之非此而但取財惟再犯者死可謂寬嚴適中若皆真之死地未必能禁其爲盜盜知必死將甘心於事主矣望稍開其生路乃奏用六項法則死者十七人用見行法則十四人舊法則百七十人俱死遂從大猷議借吏部尙書爲賀金國正旦使至盱眙得叩榜云彊盜止用舊法罷六項法還朝自劾求去上聞之復行六項法改權吏部侍郎兼權尙書夜傳旨學士院出唐沈既濟論選舉事曰今日有此敝可行與否詰旦當面對即奏事與今異敝雖似之言則難行上曰卿言甚明既郊差充兩傳使以言去授敷文閣待制提舉太平興國宮起知泉州毗舍邪書掠海濱居民歲遣戍防之勞費不貴大猷作屋二百區遣將雷屯久之戍兵以真臘大賈爲毗舍

邪犯境大猷曰毗舍邪面目黑如漆語言不通此豈毗舍邪耶遂遣之故事蕃商與人爭鬪非傷折罪皆以牛贖大猷曰安有中國用夷俗者苟在吾境當用吾法三佛齊請鑄銅瓦三萬詔泉廣二州守臣督造付之大猷奏法銅不下海中國方禁銷銅奈何爲其所役卒不與進敷文閣直學士留知泉州踰年提舉太平興國宮改知隆興府江西安撫使以大暑討永新禾山洞寇不利自劾降龍圖閣待制落職南康軍居住提舉太平興國宮復龍圖閣待制提舉上清太平宮復敷文閣待制制升學士沒贈二官大猷與丞相史浩同里又同年進士未嘗附麗以干進浩深歎美之好周旋叙宗族外族爲典仁錄率鄉人爲義莊二十餘畝以爲倡衆皆欣勸所著有適齋存案備忘訓鑒等書

蔡洸

按宋史本傳洸字子平其先興化仙遊人端明殿學士裏之後徙雷川父仲左中大夫洸以蔭補將仕郎中法科除大理評事遷丞丞出知古州召爲刑部郎徙度支以戶部郎總領淮東軍馬錢糧知鎮江府會西溪卒移屯建康船糧相銜時久旱郡民築陂灌水灌漑漕司檄郡決之父老泣訴洸曰吾不忍復罪百姓也卻之已而大雨漕運通歲亦大熟民歌之曰我漕我水以灌以溉俾我不奪蔡公是賴就除司農少卿言鎮江三邑稅戶客戶輪丁各異請爲一體不得自爲同異所輪丁相依和買之重計尺折納人給一鈔官自買絹起發公私皆便上嘉納以戶部侍郎召試吏部尙書移戶部上謂侍臣曰朕以版曹得人爲

喜洗常言財無滲漏則不可勝用未幾求去除徽猷閣學士知軍國府陞賜坐上慰勞曰卿面有火色風證也朕有二方賜卿洗謝即奉祠以歸卒年五十七洗事親孝會祖襄未易名請於朝賜諡忠惠所得奉每以振親戚之貧者去朝之日囊無餘貲至舊所賜銀鞍轡治行人服其清潔云

周宗

按宋史本傳宗字彥廣湖州長興人父需以進士起家官至左中奉大夫宗幼警敏力學宜和間以父任爲郎歷官至通判建康府紹興三十年金渝盟邊事方興帥守難其選士夫亦憚行首命宗守滁陽未赴移越州又徙淦梁淮楚舊有並山水置砦自衛者宗爲立約束結保伍金主亮傾國犯邊民賴以全活者不可勝計除直祕閣再任孝宗受禪王師進取虹縣中原之民翕然來歸扶老攜幼相屬於道宗計口給食行者犒以牛酒至者處以室廬人人感悅張浚視師駐於都梁見宗謀輒稱歎且曰有急公當與我俱死宗亦感激至謂頭可斷身不可去沒入朝悉陳其狀上嘉歎不已進直徽猷閣帥揚會錢端禮以尚書宣諭淮東復以宗薦進直顯謨閣時兩淮經踐蹂民多流亡宗極力招輯按堵如故勸民植桑柘開屯田上亦專以屬宗屢賜親札宗奉行益力進直龍圖閣除兩浙轉運副使未幾知臨安府上言自古風化必自近始陛下躬履節儉以示四方而貴近奢靡殊不知革乃條上禁止十五事上嘉納之降詔獎諭賜金帶臨安駐蹕歲久居民日增河流湫隘舟楫病之宗請疏浚工畢除祕閣修撰進右文殿修撰提舉江

州太平興國宮以歸上念宗不忘除數文閣待制起知軍國府起入奏上慰撫逾渥魏王出鎮移守婺州明年春復奉祠廼告老十月卒年六十積階至右中奉大夫封長興縣男

吳芾

按宋史本傳芾字明可台州仙居人舉進士第遷祕書正字與秦檜舊故至是檜已專政芾退然如未嘗識公坐旅進揖而退檜疑之風言者論罷通判處婺越三郡知處州處舊苦丁絹重芾損之以新丁補其額何溥薦芾材中御史除監察御史時金將敗盟芾勸高宗專務修德痛自悔咎延見羣臣俾陳闕失求合乎天地無愧乎祖宗則人心說服天亦助順矣上聽其言遷殿中侍御史兩淮戰不利廷臣爭陳退避計芾言今日之事有進無退進爲上策退爲無策既而金主亮薨上疏勸親征車駕至建康芾請遂駐蹕以保中原之望高宗納其說會有密啓還東者下侍從臺諫議芾言今欲控帶襄漢引輪湖廣則臨安不如建康便經理淮甸應接梁宋則臨安不如建康近議者徒悅一時慮從思歸之人非爲國計臣恐同鑒之後西師之聲援不接北土之詭吟絕望矣又言去歲兩淮諸城望風奔潰無一城能拒守者此秦檜壅塞言路挫折士氣之餘毒也能反其道則士氣日振而見危授命者有人矣知婺州孝宗初即位陞辭陳裝垸對唐憲宗爲治先正其心以爲臨御之初出治大原無越於此上嘉納至郡勸民義役金華長仙鄉民十有一家自以甲乙第其產相次執役幾二十年芾與致十一人者與合宴更其鄉曰循理里曰信義

以褒異之知紹興府會稽賦重而折邑尤甚芾以撥官在奏免支移折變蠲湖久廢會歲大饑出常平米募饑民浚治芾去大姓利於田湖復廢權刑部侍郎遷給事中改吏部侍郎以數文閣直學士知臨安府內侍家僮毆傷酒家保市捕治之徇於市權豪側目執政議以芾使金復除吏部侍郎且議以龍大淵爲副芾曰是可與言行事者耶語聞得罷不行下遷禮部侍郎力求去提舉太平興國宮時芾與陳俊卿俱以剛直見忌未幾俊卿亦引去中書舍人閻安中爲孝宗言二臣之去非國之福起知太平州造船以梁姑溪歷陽築者久役潰歸聲言欲趨郡境芾呼至城下厚犒遣之而密捕倡亂者繫獄以聞詔褒諭知隆興府芾前後守六郡各因其俗爲寬猛吏莫容姦民懷惠利再奉太平祠屢告老以龍圖閣直學士致仕後十年卒年八十嘗曰視官物當如己物視公事當如私事與其得罪於百姓寧得罪於上官立朝不偶晚退閑者十有四年自號湖山居士爲文集健俊整有表奏五卷詩文三十卷

周執羔

按宋史本傳執羔字表卿信州弋陽人宣和六年舉進士廷試徽宗擢爲第二授湖州司士曹事俄除太學博士建炎初乘輿南渡自京師奔詣揚州不及遂從隆祐太后於江西還觀會稽尋以繼母劉疾乞歸就養調撫州宜黃縣丞時四境倣擾潰卒相挺爲變令大恐不知所爲執羔諭以禍福皆斂手聽命既又誅其黨執首謀者斬以徇邑人德之至繪像立祠紹興五年改秩通判湖州丁母憂服闋通判平江府召

爲將作監丞明年春還太常丞始議建明堂大樂久廢不修詔奉常習肄之訪輯舊聞庀閱工器制作始備累遷右司員外郎八月擢權禮部侍郎充賀金生辰使往歲奉使官得自辟其屬賞典既厚願行者多納金以請執羔始拒絕之使還兼權吏部侍郎請賜新進士聞喜宴於禮部從之軍典廢此禮至是乃復同知貢舉舊例進士試禮部下歷十八年得免舉又四試禮部下始特奏名推恩秦檜旣以科第私其子士論譴諱爲減三年以悅衆執羔言祖宗法不可亂繇此忤檜御史劾罷之又六年起知眉州徙閬州又改夔州兼夔路安撫使夔部地接蠻獠易以生事或告濠播吏叛其豪帥請遣兵致討執羔謂曰朝廷用爾爲長今一方繹騷貴將焉往能盡力則賞爾一兵不可得也豪懼斬叛者以獻夷人自是皆惕息三十年知饒州尋除敷文閣待制乾道初守婺州召還提舉佑神觀兼侍講首進二說以爲王道在正心誠意立國在節用愛人二年四月復爲禮部侍郎孝宗患人才難知執羔曰今一介干進亦蒙賜名口舌相高殆成風俗豈可使之得志哉上曰卿言是也一日侍經筵自言學易知數臣事陛下之日短已乃垂涕上惻然即拜本部尚書升侍讀固辭不許方士劉孝榮言統元曆差命執羔釐正之執羔用劉義叟法推日月交食考五緯贏縮以紀氣朔寒溫之候撰曆議曆書五星測驗各一卷上之上嘗問豐財之術執羔以爲蠶民之本莫甚於兵古者典師十萬日費千金今尺籍之數十倍於此罷癯老弱者幾半不汰之其弊益深論和糴本以給軍興豫以災蓋國家一切之

政不得已而爲之若邊境無事妨於民食而務爲聚斂可乎舊糴有常數比年每郡增至二十萬石今諸路枯旱之餘蟲螟大起無以供常稅况數外取之乎宜視一路一郡一縣豐凶之數輕重行之災甚者獨之可也上矍然曰災異如此乃無一人爲朕言者即詔從之充安恭皇后赦官按行使日與聞人接卒事未嘗交一談聞亦服其長者不怨也拜疏求去上謂輔臣曰朕惜其老成宜以經筵置之除寶文閣學士提舉佑神觀上曰遂除龍圖可也經筵一年每勸上以辨忠邪納諫事上深知其忠明年三月告老上諭曰祖宗時近臣有年踰八十尚留者卿之齒未也命却其章閏月復申前請上度不可奪詔提舉江州太平興國宮賜茶藥御書恩禮尤渥公卿祖帳都門外搢紳榮之時閩粵江西歲饑盜起執羔陛辭以爲言詔遣太府丞馬希言使諸路振救之乾道六年卒年七十七執羔有雅度立朝無朋比治郡廉恕有循吏風手不釋卷尤通於易

李紫

按宋史本傳紫字清叔崇慶晉原人第進士爲隆州判官攝綿州歲侵出義倉穀賤糶之而以錢貸下戶又聽民以茅秸易米作粥及楮衣親衣衣之活十萬人明年又饑叩蜀彭漢成都盜賊蠭起綿獨按堵知永康軍移利州提點成都路刑獄兼提舉常平歲凶先事發庫獨租所活百七十萬人知興元府安撫利州東路漢中久饑劍外和糴在州者獨多紫嘗匹馬行阡陌間訪求民瘼有老嫗進曰民所以饑者和糴病之也泣數行下紫感其言奏免之民大悅徙倉部

員外郎總領四川賦財軍馬錢糧升郎中淳熙三年廷臣上言四川歲糴軍糧名爲和糴實科糴也詔制置使范成大同蔡相度以聞蔡奏諸州歲糶六十萬石若從官糴歲約百萬緡如於經費之中斟酌損益變科糴爲官糴貴賤賤時不使虧毫忽之價出納賑量勿務取圭撮之贏則軍不乏與民不加賦乃書利民十一事上之前後凡三年紫上奏疏者十有三而天子降詔難問者凡八詔如其議民既樂與官爲市遠邇謹趨軍餉坐給而田里免科糴始知有生之樂官歲大稔米價頓賤父老以爲三十年所無梁洋間繪紫像祠之范成大驛疏言關外麥熟倍於常年實由罷糴民力稍紓得以盡於農畝孝宗覽之曰免和糴一年田間和氣若此乃知民力不可重困也罷紫守太府少卿范成大召見孝宗首問糴事可久行否成大奏李紫以身任此事臣以身保李紫孝宗大悅曰是大不可得李紫也上意方嚮用而紫亦欲奏獨監酒和買之弊以盡滌民害會有疾卒詔以紫能官致仕恩外特與遺表擇一人庶官前此所未有初紫

王庶

按宋史本傳庶字子尚慶陽人崇寧五年舉進士第改秩知涇州保定縣以种師道薦通判懷德軍契丹爲金人所破舉燕雲地求援詔師道受降庶謂師道曰國家與遠人百年之好今坐視其敗亡不能救乃利其土地無乃基女直之禍乎不聽宣和七年金果入寇大宰李邦彥夜召庶問計庶曰宿將無如种師道且夷虜畏服宜付以西兵使之入援邦彥以語蔡攸攸不然以庶爲陝西通判兼制置解鹽事驛事益棘欽宗欲幸襄鄧先命席益爲京西安撫使益求庶自副高宗即位除直龍圖閣鄧延經略使兼知延安府累立戰功進集英殿修撰陞龍圖閣待制節制陝西六路軍馬先是河東經制使王燮既遁歸東京畱守宗澤承制以庶權陝西制置使會宣諭使謝亮入關庶移書曰夏人之患小而緩金人之患大而迫秋高必大舉益仗節率兵舉義驅逐渡河徐圖恢復亮不能從金人大入庶調兵自沿河至馮翊據險以守金人先已乘冰渡河犯晉寧侵丹州又渡清水河破潼關秦隴皆震庶傳檄諸路會期討賊涇原統制曲端雅不欲屬庶以未受命辭居數日告身至又辭金人知端與庶不協併兵寇鄜延庶在坊州聞之夜趨鄜延以遇其衝金人詭道陷丹州州界鄜延之間庶乃自當延安路時端盡統涇原勁兵庶屢督其進端訖不行遂陷延安語在端傳初庶聞端急自收散亡往援觀察使王燮亦將所部發興元庶至甘泉而延安已不守既無所歸遂以軍付燮而自將百騎馳至裏樂勞軍尚倚端爲助庶至端令每門減從騎之半

比至帳下僅數騎端厲聲問庶延安失守狀且曰節制固知愛身不知爲天子愛城乎庶曰吾數令不從誰愛其身者端怒謀即軍中誅庶而奪其兵乃夜走軍州見謝亮曰延安五路襟喉今既失矣春秋大夫出疆之義得以專之請誅庶亮曰使事有指今以人臣而擅誅於外是跋扈也公則自爲之端沮而歸乃奪庶節制使印又拘繫其官屬會詔庶守京兆庶先以失律自劾得罷丁內艱時張浚自富平敗歸始思庶及端之言可用乃並召之庶地近先至力陳撫秦保蜀之策勸浚收熙河秦鳳之兵扼關隴以爲後圖浚不納求終制不許乃版授參議官浚念端與庶必不相容端未至但復其官移恭州庶因謂浚曰端有反心浚亦異端得士始有殺端意矣語在端傳紹興五年起復知興元府利夔路制置使庶以士卒單寡籍興洋諸邑及三泉縣強壯兩丁取一三丁取二號義士日閱于縣門州厚犒之不半年有兵數萬浚言于朝監獄閑直學士有譏於浚者徙庶知成都改嘉州明年浚劾庶輕率傾險落職奉祠尋起知遂寧固避得請六年除湖北安撫使知鄂州趨闕上因燕見庶言陛下欲保江南無所事如日紹復大業都荆爲可荊州左吳右蜀利盡南海前臨江漢出三川涉大河以圖中原曹操所以畏關羽者也上大異之復顯謨閣待制知荆南府湖北經略安撫使又復直學士七年十月以兵部侍郎召明年春入對上曰名卿之日張浚已去趙鼎未來此朕親擢非有左右之助庶頓首謝因奏恢復之功十年未立其失在偏聽在欲速在輕爵賞是非邪正混淆誠能賞功罰罪

其誰不服昔漢光武以兵取天下不以不急奪其貴不知兵者不可使言兵又口陳手畫蜀劉善上大喜即日遷本部尚書閏月拜樞密副使議者乞遣重臣行邊遂命庶措置江淮邊防京湖宜撫使岳飛聞庶行邊遺書曰今歲若不出師當納節請開庶壯之庶還朝論金人變詐自渝海上之盟因及飛納節之語當是時秦檜再相以和戎爲事金使烏陵謀至詔趣庶還庶力詆和議乞誅金使其言甚切金又遣蕭通古來許割地還梓官歸太后庶日和議之事臣所不知凡七疏乞免官乃以資政殿學士知潭州御史中丞勾龍如淵劾庶本趙鼎所薦欺君罔上庶罷歸至九江被命奪職徙家居焉十三年御史胡汝明論庶議訕朝政責嚮德軍節度副使道州安置至貶所卒孝宗思庶言追復其官諡敏節子六人之奇乾道中知樞密院事

張運

按宋史本傳運字南仲信之貴溪人唐宰相文瑄之後父貫右通直郎累贈太中大夫連年二十五以太學生登宣和三年進士第賜同上舍出身調桂陽監鹽山縣丞縣令運攝縣事縣與諸僚接壤因俗爲治吏民安之臨武寇與諸僚合大剽掠運親帥兵禽之遷潭州攸縣尉高宗南渡劇賊王在據岐山潭帥徵兵戊岳運將二千人先至岳賊平改臨江新淦丞縣新被兵令不能支公江撫諭使張匯劾罷之以運攝縣事運撥糧燼考版籍正租賦數月之間敵除而民定紹興五年通判鼎州賊楊公黃誠擁衆數萬殘破城邑跳梁湖北高宗遣張浚以都督董師岳飛以

招討舉兵擊之賊率輕銳徑趨武溪南與以臨鼎州城中大震連與太守程昌寓勒兵登城控扼上下以張其勢賊宵潰遭賊雷德進柵險阻帥檄運討之運將都統梁吉等率兵直搗其巢破四十二柵降其衆移貳濡須金人犯廬壽等州大將駐兵淮壩以拒之運給餉未嘗乏絕歲餘以親老還江東寓居鄱既而丁母及父憂服除起知桂陽監五月而境內稱治與部使者奏升監爲軍大修庠序之教祠漢以來守令有功德於桂陽者衛颯唐堯等七人於學刻績顏氏家訓四時纂要等書散之民間使之修德而蔣本召入對除知達州方大旱入境而雨奏除病民五事召爲度支郎中臨安樓店務錢歲三十餘萬緡請以十萬歸省額戶部所儲三佛齊國所貢乳香九萬一千五百斤直可百二十餘萬緡請分送江浙荆湖漕司賣之以糴軍餉及陳諸路綱運七弊懲革十術遠近遵輸以均勞逸事皆施行兼樞密院檢討還軍器監尋改大理少卿請正兩浙鹽法以寬私鬻之禁紹興永裕昭慈二陵官地與民犬牙相入請縣重價聽民持券獻納以免誤犯之罪尤明於治獄獄爲之空拜刑部侍郎言諸斥逐累赦未還者宜從湔洗諸申請條制多重複抵牾失于太煩諸編置不以赦原不以蔭論之類失於太重外路刑獄三經翻異移送大理刀鋸數施非所以示遠及諸不便皆從之又請廣儲蓄典鼓鑄修屯田作鄉兵亦皆聽納兼權戶部侍郎時久雨傷蠶麥及邊報有警詔侍從臺諫陳弭災禦侮之策連言天災人事有甚可畏而不足畏者視吾政之修不修有甚可憂而不足憂者視吾自治之

善不善宜及邊淮建三大鎮以守之會金人渝盟特遷戶部侍郎以專餽餉丞相陳康伯議遣李寶自四明控制海道衆紛紜運直入贊決以爲上策金人果敗走因上疏乞降詔撫將士獨租賦遣信使結豪傑堅城守督漢中將士趨關陝以制其後置四鎮三帥于兩淮襄漢之間以爲內固以圖進取以御營隨軍都轉運使從上勞師江上及駕還因入對固請補外乃授集英殿修撰出知太平州當兵饑疾癘之餘殫勞徠安輯之方嚴斥埃攻守之備理財賦造戰艦繕甲兵申禁令民賴以安孝宗既受禪遣亦請老以敷文閣待制提舉江州太平興國宮尋授廣東經略不赴乃復祠祿乾道七年都大餞運首發粟二千石以振之自是民爭出粟以濟連上章致政不許以疾卒贈少師左光祿大夫官其後三人嘉定六年贈開府儀同三司

莫濛

按宋史本傳濛字子濛湖州歸安人以祖蔭補將仕郎兩魁法科累官至大理評事提舉廣南市舶張子華以賊敗朝廷命濛往鞠之濛正其罪又言秦熈鄭時中受子華賂計直數千緡還朝除大理寺正吏部火連坐者數百人久不決命濛治之濛察最可疑者留於獄出餘人爲耳目以蹤跡之約三日復來遂得其實繫者乃得釋黃州倅奏親擒盜五十餘人上命濛窮竟既至咸以冤告濛命囚去桎梏引倅至庭詢竊發之由闕敵之所遠近時日悉皆抵牾折之語塞濛具正犯數人奏上餘釋之上諭輔臣曰莫濛非獨曉刑獄可俾理金穀除戶部員外郎朝廷遣濛措置

浙西江淮沙田蘆場上語之曰得此可助經費歸日以版曹處卿濛多方括實得二百五十三萬七千餘畝言者論其丈量失實徵收及貧民責監饒州景德鎮起知光化軍諜知金渝盟郡之舟衆以爲慮濛力爲辦集及敵犯境民賴以濟時餉餽急除淮南轉運判官濛遷延不之任右司諫梁仲敏劾其慢命罷官勒停宣諭使汪澈爲言於上復舊職召見上諭曰朕常記向措置沙田甚不易濛謝曰職爾不敢避怨上曰使任責者人人如卿天下何事不成除湖北轉運判官未幾知鄂州召除戶部左曹郎中出知揚州陞上以城圯命濛增築濛至州規度城闔分授諸將各刻姓名堊堞間縣重賞激勵閱數月告成除重寶文閣學士大理少卿兼詳定司敕令官兼權知臨安府未幾假工部尚書使金賀正旦金庭賜宴濛以本朝忌日不敢簪花聽樂金遣人趨赴濛堅執不從竟不能奪使還除刑部侍郎改工部侍郎兼臨安府少尹以言者罷起知鄂州卒於官年六十一贈奉正大夫

欽定古今圖書集成明倫彙編官常典

第七百九十二卷目錄

政事部名臣列傳二十二

宋九

韓彥直

黃黼

范應鈴

宇文紹節

張杓

沈作賓

應孟明

陳咸

杜杲

劉穎

曹叔遠

吳柔勝

黃疇若

陳居仁

楊簡

李孟傳

許應龍

吳淵

杜庶

黃贊

楊大異

陳垣子業

史彌華

官常典第七百九十二卷

政事部名臣列傳二十二

宋九

韓彥直

按宋史韓世忠傳世忠子彥直字子溫生期年以父任補右承奉郎尋直祔闕六歲從世忠入見高宗命作大字即拜命跪書皇帝萬歲四字帝喜之拊其背曰他日令器也親解孝宗卬角之繻傳其首賜金器筆研監書敕馬年十二賜三品服紹興十七年中兩

浙轉運司試明年登進士第調太社令二十一年世忠薨服除秦檜素銜世忠不附和議出彥直爲浙東安撫司主管檣宜文字檣死拜光祿寺丞二十九年遷屯田員外郎兼權右曹郎官工部侍郎張浚都督江淮軍馬檣權計議軍事督府罷奉祠乾道二年遷戶部郎官主管左曹總領淮東軍馬錢糧會大軍倉給糧徑乘小輿往察之給米不如數捕吏寘於理初代者以乏輿罷交承爲籍錢僅二十萬明年奏計乃四倍且以其贏獻諸朝帝嘉之拜司農少卿進直龍圖閣江西轉運兼權知江州時朝廷還岳飛家貲產多在九江歲久業數易主吏緣爲姦彥直搜剔隱匿盡還岳氏復爲司農少卿總領湖北江西軍馬錢糧尋兼發運副使會時相不樂密啓換武授利州觀察使知襄陽府充京西南路安撫使七年授鄂州駐劄御前諸軍都統制條奏軍中六事乞備器械增戰馬革濫賞厲奇功選勇略充親隨等朝廷多從之先是軍中騎兵多不能步戰彥直命騎士被甲徒行日六十里雖統制官亦令以身帥之人人習於勞苦馳騁如飛事聞詔令三衙江上諸軍倣行之八年句歸文班乃授左中奉大夫充敷文閣待制知台州句祠養親提舉佑神觀奉朝請進對言頃自岳飛爲帥身居鄂渚遙領荆襄田師中繼之始分鄂渚爲二軍乞復舊又乞併京西湖北轉運爲一司分官置司襄陽可一事體帝善之遷刑部侍郎明年兼工部侍郎同列議大辟三鞠之弗承宜令以衆證就刑欲修立爲令彥直持不可白丞相梁克家曰若是則善類被誣必多冤獄且笞杖之刑猶引伏方決况人命至重乎議

卒格以議奪吳名世改正過名不當降兩官會當遣使於金在廷相顧莫肯先帝親擇以往聞命慨然就道方入境金使蒲察問接國書事論難往復數十蒲察理屈因笑曰尚書能力爲主旣至幾罹禍者數守節不屈金卒禮遣之帝嘉歎遷吏部侍郎尋權工部尚書復中大夫改工部尚書兼知臨安府方控辭以言罷提舉太平興國宮尋提舉佑神觀奉朝請尋知臨州首捕巨猾王永年窮治之杖徙他州奏免民間積逋以郡餘財代輸之然以累久內帑坊場錢不發鑄一官海寇出沒大洋劫掠勢甚張彥直授將領士豪等方略不旬日生擒賊首海盜爲清樞密奏功進敷文閣學士以弟彥質爲兩浙轉運判官引嫌易泉府句祠奉親差提舉佑神觀仍奉朝請特令佩魚示異數也入對乞搜訪靖康以來死節之士以勸忠義又上薦舉乞選人已經開升實歷六考無賊私罪犯者雜試以經術法律限其員額定其高下俾孤寒者得以自達定爲改官之制又乞令州郡守臣任滿日開具本州實在財賦數目具公移與交代者并達臺省庶可覈實以嚴姦弊帝悉嘉納淳熙十年夏旱應詔言通者濫刑爲致旱之由明年入對論三衙皆所以拱扈宸居而司馬乃遠在數百里外乞令歸司久之再爲戶部尚書會歲旱乞廣糴爲先備又乞追貶部曲會誣陷岳飛者以慰忠魂以言降充敷文閣學士帝追感世忠元勳遣使諭彥直且謂彥直有才有才力言者誣之彥直感泣奏謝尋提舉萬壽觀有疾帝賜之藥進顯謨閣學士提舉萬壽觀嘗撫宋朝事分爲類目名水心鏡爲書百六十七卷禮部尚書尤袤脩

國史白於朝下取是書以進光宗覽之稱善進龍圖閣學士提舉萬壽觀轉光祿大夫致仕卒特贈開府儀同三司賜銀絹九百疋至斯春郡公

黃黼

按宋史本傳黼字元章臨安餘杭人也少遊太學第進士累遷太常博士輪對言周以輔翼之臣出任方伯漢以牧守之最擢拜公卿唐不歷邊任不拜宰相本朝不爲三司等屬不除清望官仁宗時韓琦范仲淹龐籍皆嘗經略西事久歷邊任始除執政邊奏復警范仲淹至再請行貝州之變文彥博親自討賊乞于時望近臣中擇才略謀慮可以任重致遠者或界上流或委方面習知邊防利害地形險阨中外軍民亦乎其思信熟其威名天下無事則取風績顯著者不次除拜以尊朝廷邊鄙有警則任以重寄俾制方面出將入相何所不可上嘉獎曰如卿言可謂盡用人之道行太常丞進祕書郎提舉江東常平茶鹽召爲戶部員外郎尋除直祕閣兩浙路轉運判官進直龍圖閣升副使辭改直顯謨閣浙東瀕海之田以旱澇告常平儲蓄不足黼捐漕計貸之毗陵饑民取糶批雜草根以充食郡縣不以聞黼取民食以進乞捐僧牒緡錢振濟所全活甚衆除中書門下檢正諸房公事守殿中侍御史兼侍講遷侍御史行起居郎兼權刑部侍郎以劉德秀論劾奉祠而卒

范應鈴

按宋史本傳應鈴字旂叟豐城人方娠大父夢雙日照庭應鈴生稍長厲志於學丞相周必大見其文嘉賞之開禧元年舉進士調永新尉縣當龍泉茶陵溪

峒之衝寇甫平喜亂者詐爲驚擾應鈴廉得主名梓而治之縣十三鄉寇擾者不時安撫使移司兼郡初奏弛八鄉民租二年詔下如章旣而復催以檢核之數應鈴力爭不從即詣郡自言反覆數四帥聲色俱厲應鈴從容曰某非徒爲人鄉貧民乃深爲州家耳民貧迫之急將以不肖之心應之租不可得而禍未易弭也帥色動令免下戶旣出令復徵之應鈴歎曰是使我重失信於民也又力爭之訖得請民大感悅有大姓與轉運使有連家慙慙厲民應鈴咎而繫之獄郡吏庭辱令應鈴執吏囚之以狀聞調衡州錄事總領聞應鈴名辟爲屬改知崇仁縣始至明約束信期會正綱紀曉諭吏民使知所趨避然後罷鄉吏之供需校版籍之欺蔽不數月省簿成卽以其薄及苗稅則例上之總領所自此賦役均矣夙與冠裳聽訟發適如神故事無不依期結正雖負者亦無不心服真德秀扁其堂曰對越將代整治如始至歲杪與百姓休息閭閻負錫租稅釋囚繫恤生瘞死崇孝勸睦仁民厚俗之事悉舉以行形之榜揭見者嗟歎調提轄文思院幹辦諸軍審計添差通判撫州以言者罷與祠丁內艱服除通判廬州時江右寇寇爲亂吉州八邑七被殘燬差知吉州應鈴慨然曰此豈臣子辭難時耶即奉親以行下車首以練兵足食爲先務然後去冗吏嚴軍簿汰老弱以次罷行應鈴洞究財計本末每部推酷典利斬五邑悉改爲戶吉舟車之會且屯大軍六萬戶人勸之權應鈴曰理財正辭吾縱不能禁百姓羣飲其可誘之利其贏耶未新禾山羣盜嘯聚數日間應者以千數應鈴察遇過希邵

有才略微之攝邑調郡兵結隅保分道攝其巢穴擒之誅其爲首者七人一鄉以定叛叛卒朱先賊殺主帥應鈴曰此非小變也密遣謀以厚賞捕之部使者効其輕發鑄一官閒居六年養親讀書泊如也起廣西提點刑獄力辭踰年乃拜命既至多所平反丁錢蠹民力奏免之召爲全部郎官入見首言今以朝行暮改之規撫欲變累年上旣下慢之積習以悠悠內治之敝政欲圖一旦赫赫外攘之大功又曰公論不出於君子而參以逢君之小人紀綱不正於朝廷而牽於弄權之閹寺言皆諷直識者避之遷尚左郎官尋爲浙東提點刑獄力句便養改直祕閣江西提舉常平併詭挾三萬戶風采粟然丁外艱服除還軍器監兼尚左郎官召見奏曰國事大且急者儲貳爲先陛下不斷自宸衷徒眩惑於左右近習之官轉移於宮庭嬪御之見失今不圖姦臣乘夜半片紙或從中出忠義之士束手無策矣帝爲之動容屬鹽法屢變商賈之贏上奪於朝廷之自需下奪於郡之拘留九江豫章扼其襟喉江右貧民終歲食淡商與民俱困矣應鈴力陳四害願用祖宗入粟易鹽之法授直寶謨閣湖南轉運判官兼安撫司同僚蔣何三族聚千餘人執縣令殺王官帥惠招捕逾年不至應鈴曰招之道以長寇亟捕之可也即調飛虎等軍會閩總討之應鈴親臨督師號令明壯士卒鼓勇以前擒將時選父子及兇渠五人誅之脅從者使之安業未一月全師而歸授直煥章閣上疏謝事不允擢大理少卿再請又不允一旦藉府庫核簿書處決官事已遂及家務纖悉不遺僚屬勸以清心省事曰生死數也